

PNEUMATOLOGY

(Lhagao Theng chung changa kihilna)

Paominlen Kipgen (PK), M.Th

INTRODUCTION

Mitampin Lhagao Theng hi atahsan vangun Pa Pathen leh Chapa Pathen sanga nemjo leh asoh hon danin agelun ahi. Ahin hichu hilouvin Lhagao Theng hi Pa Pathen, Chapa Pathen sanga neojo dehlou, amatah jonghi Pathen hija, abon uva kibang ahiuve.

Pa Pathen, Chapa Pathen chuleh Lhagao Theng Pathen hi anatoh achom choma akihet vanghin Pathen khatseh bou ahina'a chu kigom ahi (Elohim). Dispensation umdana Ama Ama phat dolcheh'a len le loupicheh ahiuvin, alenjo aneojotiding umdeh lou ahi. Ajehchu Pathen khatseh ahijeh'in phat jousen trinity in atongkhom jingve ti akimun ahi (Heb.1:1-2; Gen. 1:26; 11:17; Mk.1:10-11).

Mi loikhatnin Pa leh Chapa phat chu akichaitan, tuhi Lhagao Theng phat ahitai tin ahillun, hichehi tuhil dihluu tah ahi. Chuti chu ahidinga ahileh Pathen chu thum tah phading ahitai. Ahin aphot phat dungjuja natong kilha'a loupicheh dana aum jeng vangun, phat khat sunga natong khomchek ahiuvin, khat minputna'a athumuva khatna natong ahiuve.

BUNG – 1

LHAGAO THENG MIHEM AHINA

Amasapenin Lhagao Theng mihem ahidan photchetna pemasa leohen: Lhagao Thenghi Lhagao ahigoh hilouva mihem khat Pa le Chapa toh kibang ahijala houdinga lom tah ahi (2 Cor. 13:14; Mtt. 28:19). Lhagao Theng hi mihem lungsunga natong thanei khat maimai hileh amin kiphah tengleh "hichu/it" ti'a kimang ding ahin, hinlah "hichu/it" hilouin AMA/HE tin akiseijin ahi. Hichun avetsah chu Lhagao Theng hi mihem ahin, mihem ahi jala achung chang thu kholla hetthei jong hija ahi.

1. Bible'in Lhagao Theng chungchang aseiteng leh personal Pronoun (mihem khat kiseina khela kimang thucheng) amang cha ji'e (Jn. 15:26; 16:8; 13:14)

2. Lhagao Theng hi mihemin anei mihem hina (nature) tampi aneije.

a. Thulhuh semthei na tha aneije (1 Cor. 12:11)

b. Chihna aneije (Neh. 9:20)

c. Hetna aneije (1 Cor. 2:10)

d. Thahat thilbolthei na aneije (Acts 1:8)

e. Ngailutna aneije (Rome. 15:32)

f. Alunghem theije (Eph. 4:13).

3. Lhagao Thengin mihemin abolthei ho bolthei na tha aneije

- a. Rev. 2:7 - Lhagao Thengin thu aseï theije.
 - b. Gal. 4:6 - Lhagao Thengin mi akou theije.
 - c. Rom. 8:26 – Lhagao Thengin taopeh theina tha aneije.
 - d. John 15:26 - Lhagao Theng hi ahettoh sah'in apangin ahi.
 - e. Rom. 8:14 - Lhagao Theng hin mi akaihoi le theije.
 - f. John 14:26 – Lhagao Thengin mihil theina tha aneije (cf. John. 16:12,14).
 - g. Solchah 16:6,7 - Lhagao Thengin mi thupeh theina tha aneije.
 - h. Jn. 15:26 Lhagao Theng hin atohdinga kipe ho asubulhit teije'e (cf. Acts. 15:26).
4. Lhagao Thengin mihem lunggel aneije
- a. Isai. 63:10 - Lhagao Theng hi akilung hemsah theije (cf. Eph. 4:30).
 - b. Heb. 10:29 - Lhagao Theng hi nahsah mo'a kibol thei ahi.
 - c. Acts. 5:3 - Lhagao Theng hi akijou lhez theije.
 - d. Mtt. 12:21,32 -Lhagao Theng hi akitaïtom theije.

BUNG – 2

LHAGAO THENG PATHEN AHINA

1. Lhagao Theng hin Pathen hina tampi aneije
- a. Lhagao Theng hi tonsotna hingjing ahi (Eternal) - Heb. 9:14
 - b. Lhagao Theng hi phatkhatna munjouse'a um jing ahi (Omnipresence) - Ps. 139:7-10
 - c. Lhagao Theng hi thaneichung nung ahi (Omnipotent) - Lk. 1:35; Gen. 1:2
 - d. Lhagao Theng hi imajouse hesoh ahi (Omniscient) - 1 Cor. 2:11; Jn. 16:12-15
 - e. Lhagao Theng hi atheng ahi (Holy) - Lk. 11:1-3
 - f. Lhagao Theng hi thutah ahi (Truth) - 1 Jn. 5:7
 - g. Lhagao Theng hi mitilkhoh ahi - Neh. 9:20
 - h. Lhagao Theng hi mikithopi / milhamonsah ahi - 2 Cor. 13:14.
2. Lhagao Theng hin Pathen'in abolthei ho boltheina aneije.
- a. Thilsem kidang aboltheije - Job.33:4; Ps. 104:30
 - b. Huhhingna, Pentah na aboltheije - I Cor. 6:11; Eph. 1:3
 - c. Lhagao Thengin hinna ape theije - Jn. 6:62
 - d. Lhagao Theng hin gaothu seisah theina tha aneije - 2 Pet.1:21

- e. Lhagao Theng hi Pentahna hungkon na ahi - Jn. 3:5,6
- f. Lhagao Thengin mihem tehi chonphat nale ahunglung ding thutanna ahetsah masat theije - Jn. 16:8,11.

3. Lhagao Theng hi Pa Pathen leh Chapa Pathen'a kon achombeh ahi.

Mitampin Lhagao Theng hi Pa Pathen lhagao ahilouleh Chapa Pathen lhagao ahi tin agel jiuve. Ahin hichu hilou ahin, Lhagao Theng hi achombeh, amatah jong Pathen hija ahi.

- a. Luke 3;21-22
 - i. Pa Pathen'in vana konin thu ahinseije.
 - ii. Chapa Pathen chu John khutna Baptize achangin
 - iii. Lhagao Theng vakhu bangin ahungleng lhan Jesu chungu ahung chonge.
- b. Solchah. 2:33 na'a
 - i. Pa chu laltouna'a atouvin,
 - ii. Chapa jetlama atouvin,
 - iii. Lhagao Theng chu Houbung ho henga ahung kisolet.
- c. Mtt. 28:19; Jn. 14:16; 2 Cor. 13:14 etc

4. Lhagao Theng Pa Pathen leh Chapa Pathen henga akipeh lut dan

Lhagao Theng kipehlut dan iti teng Pa leh Chapa in athunoi lhona ahin koilhon hijo louva Ama leh ama kipe lut ahidan kiseina ahi.

- a. John. 14:26
 - i. Lhagao Thenghi Pa Pathen'in ahinsol ahi.
 - ii. Lhagao Theng hi Chapa Pathen'in ahin sol ahi.
- b. Jn. 15:26 na'a Keima thudol ahettot sah ding ahi ati hin Jesun Lhagao Theng aseina ahi.
- c. Acts. 16:7 Lhagao Theng hi Jesu Lhagao jong akiti
- d. Rom. 8:9 Lhagao Theng hi Pa Pathen lhagao jong akiti
- e. John 16:13,14; Mtt. 28:19; 2 Cor. 13:4 ho jousea jonghin Lhagao Theng kipeh lutdan akimui.

BUNG – 3

LHAGAO THENG KIMIN VO NAHO

1. Lhagao Theng (Lk. 1:13).
2. Lhagao (Jn. 3:6).

3. Pakai Lhagao (Isai. 11:2).
4. Pakai Pathen lhagao (Isai.61:1).
5. Hingjing Pathen lhagao (2 Cor. 3:3).
6. Achapa Lhagao (Gal. 4:6).
7. Christa Lhagao (Rom 8:9).
8. jesu Lhagao (Sol. 16:7).
9. Jesu Christa Lhagao (Phil. 1:9).
10. Lhagao meikong (Isai.4:4).
11. Thena lhagao (Rom.1:4).
12. Thutepsa lhagao (Eph. 1:13).
13. Lhagao dihtah (Jn. 14:17; 15:26).
14. Hinna lhagao (Rom. 8:2)
15. Hetkhenna, chihna, thumopthem, thahatna lhagao (Isai. 11:2).
16. Lungsetna lhagao (Heb. 10:29).
17. Loupina Lhagao (I Pet.4:14).
18. Tonsot kemlou lhagao (Heb. 9:14).
19. Lhamonsah lhagao (John 14:26; 15:26).
20. Kipana lhagao (Heb. 1;9).
21. Chuleh Lhagao Theng jonghi huija leng vakhu tobang (Lk. 3:22; Jn.2:23; Jn. 4:14) hui jong akiti.

BUNG – 4

LHAGAO THENG NATOH

Lhagao Theng hi Pathen ahina jalin Bible hi isim leh anatoh kichen tah'in akimui. Gunchu tah'a anatoh hi vannoi leiset leh mihem toh kisai ahisoh keije. Penticost nikho'a pat hin anatoh hi adeh'in tahsan chate lah aha hi deh'e

OT Phatlai chun Lhagao Theng hi ahungin akile kitji'e. Ahin Penticost'a ahungin tahsanho sunga acheng denin, Christa houbung lah'a chun aum dentai (Judg. 6:34; I Sam.16:14; Ps. 51:11; cf. John. 14:16)

I. THILSEM TO KISAIJA LHAGAO THENG NATOH

Lhagao Theng hi thilsem natos na'ah apange (Gen.1:2 cf. Job.26:13,14, Ps. 104:30; Job. 33:4). Ps. 33:6 na'in "Pakai thusah'a van munjouse kitem ahin, akamsung soh ahusa (Lhagao Theng) vanga vanloupina jouse kitem ahi.

II. LEISET ABIT JINGTHEINA DINGA LHAGAO THENG NATOH

Isai. 40:7 nan "Hampa agopjin, Pahcha apul ji'e, Pakai husan ahinsem khahtengle" atin, Lhagao Theng (Pakai Husa) hi thilsem leh ahonbitna'a pang ahin, suhjong asuhset ji ahi. Ps. 104:30 "Nalagao nahin solteng akitemthah jiuvin, chuteng leichung semthah'in aumjin ahi". Lhagao Theng jalla leiset hi semthah leh bitna umjing ahi.

III. TAHSAN LOUHO TO KISAIJA LHAGAO THENG NATOH

Lhagao Theng natos chu Christa athi hettosah chu ahin, mihem lungsunga Pathen thun chan aneithe nadingleh huhhinga aumtheina diuva asunguva na atos chu ahi. Jn. 16:8-11 na'a "Lhagao Theng chun chonset thudol, chonphat thudol, chuleh thutan thudol le vannoi mite themmo chan thudol ahethot sah ding ahi..." ati.

IV. BIBLE TO KISAIJA LHAGAO THENG NATOH

Lhagao Theng hi Bible pumpi hungkon dohna ahiloule asunpa (Author) ahi (2 Pet.1:20,22). Lhagao Theng mama jonghi Pathen thu eihil chenuva ahi (Jn.16:14). Chuleh Lhagao Theng in Pathen thu isuh mil tasau ho athah'a eigel dohsah'uvin ahi (Jn. 14:26).

V. TAHSAN CHATE TOH KISAIJA LHAGAO THENG NATOH

1. Pathen chate ahiu ahetchet sah'in, pathen chate asoi (Rom. 8:16,17; Gal. 4:6)
2. Ahunglung ding loupina dinga tahsan chate chu mahor anam khumin ahi (2 Cor. 1:22; Eph.1:13,14).
3. Tahsan chate chu asuthengin, thenna dinga achom khene (2 Thess. 2:13; I Pet.1:2)
4. Tahsan ho aphot tinin aumpi jinge (Jn. 14:16)
5. Pathen thu chu alan tahsan ho ahil jinge (Jn. 14:26; I Cor. 2:13).
6. Chamkim tah'a inahetsa hou thu athah'in eigel doh sah'ui (Jn. 14:26).
7. Tahsan chate chu lhagaova adipmin ahi (Ama mama adipmin) galjona hinkho apei, (Acts.1:4-8; Eph.5:18).
8. Huhhingna chungchang eihet toh sah'un, Christa chu aphot jinge (Jn. 15:26).
9. Tahsan hochu thutah lama apuijinge (Jn. 16:13).
10. Itahsao hi alan, hi'a chun Christa chu aphot ane (Jn. 16:14).
11. Ilah sam tenguleh Pathen thu imanna dingvin thahatna eipe jiuvin eihat sah jiuve (Ezk.36:27.).
12. Tahsan ho chu itobang lah hijongle thutah man na dingvin thahat ape ji'e (I Pet. 1:22).
13. Tahsan ho chu chonset le thina danthu noiya kon ahuhdoh'e (Rom. 8:2).

14. Tahsan na'a lhasam ho chu alan, amaho'a chun chonphatna danthu chu asudime (Rom 8:3,4).
15. Tahsanho chu tahsa chungalajona apen, Pathen alunglhai theina diuvin thahat apei (Rom. 8).
16. Tahsa natoh jouse hi itha theina diuvin thahat eipeuve (Rom. 8:13).
17. Tahsa athi thei hi ahinsah ding ahi (Rom. 8:3).
18. Tahsan ho chu Pathen lungdeija taoje ahille (Rom.8:26,27).
19. Tahsan ho chu tahsa lam ngaichatna nasatah hochungalajona apei (Gal. 5:16-17).
20. Christa'a lhagao thilho chu alan eiho'a aphongdoh'e (Jn. 16:14).
21. Tahsan chate chu danthu noiija konin Christa'a chamlhatna'a apuidoh'e (Gal. 5:18).
22. Lhagao ga eisodoh sah pao chu ahi (Gal. 5:22,23).
23. Eipui jinguvinn thenna lampi eijot sah'ui (Gal. 5:25).
24. Pa Pathen lunglhai louna thilho jouse chu ipaidoh theina diuvin eikitho piuve (Gal.4:30-32).
25. Satan chu ajam theina dinginn jona thei thahat eipeuve (Jacob. 4:7; Isai. 59:19).
26. Pakaijal kingai lhagaoho chu choldona apei (Isai. 63:14).
27. Ichangval hinkho uva Jesu Christa chu Pakai/leng aso'e (I Cor. 12:3).
28. Aman Pathen chate chu chamlhatna apei (2 Cor. 3:17).
29. Pathen chate chu Pathen ngailutna achane (Rom.5:5; Col.1:4-8).
30. Mithengho chu kipana chamkim leh lungkimna apei (Acts. 13:52).
31. Aman mihem sungnung chu ahatsahjin ahi (Eph. 3:16).
32. Pakai Pathen chate chu chonphat, lungmon le kipana ape ji'e (Rom. 4:17; 15:13).
33. Pathen thugil ho chu aphongdoh'in ahilchen jin – mihem hinkho'a achen sah ji'e (I Cor. 2:9-14; I Thess. 1:5).
34. Midangho thutah ihetsah theina diuvin thahat eipeuvin eikithopi un eihat sah'ui (I Cor. 2:1-4; I Thess. 1:5).
35. Pathen houna dinginn mihem atilkhouve (Jn. 4:23,24; Phil 3:3).
36. Aman alhamonsah ji'e (Acts. 9:31).
37. Christa'a dinginn mi akouvin, atohdiu ako muipeh ji'e (Acts. 8:27-29; 13:2-4).
38. Tahsan ho hinkho leh anatoh naova Phat tinin apui hoi le jinge (Mtt. 4:1; Rom. 8:14; Acts 10).
39. Huhhinga iumu hi eihset sahun, Christa a iumu eihet sah'ui (I Cor. 2:12).

VI. JESU CHRISTA TO KISAIJA LHAGAO THENG NATOH

1. Jesu chu Lhagao Thenga kijila penga ahi (Lk. 1:35).
2. Baptize achan jouva chu Lhagao Theng in gamthipma chu apui ahin, patep dinga apui ahi (Mtt. 4:1).
3. Anatoh na dinga Lhagao Thengin thao anu'e (Acts. 10:38).
4. Jesu chu Lhagao thaneina'a khaisanga uma ahi (Heb. 9:14).
5. Lhagaothern thaneina jala Jesu chu athi'a kon kaithouva umkit ahi (Rom.1:4; 8:11).
6. Jesun asejuite ahin Houbung ahin Lhagaova thu ahile (Acts. 1:2).
7. Jesun atahsan ho jouse Lhagao Theng apei (Acts. 2:33).

VII. LHAGAO THENG NATOH ADANG DANG

1. Gen. 6:3 dungjuijin mihem toh akibonin, chonsetna kon chonphatna'a puidoh teiding agoi.
2. Job. 32:8 dungjuijin mihemte chu hetkhen je athemsah in ahi (Understanding).
3. Ex. 31:2-5 dungjuijin mihemte chu chihna, hetna, thepna, khutthem natoh apei.
4. Mihem te natoh neoneo, sumkon mutho banga akithopi (Judg. 6:34).
5. Aman Samson ho bang chu tahsa thahatna apei (Judg. 14:6).

BUNG – 5

LHAGAO THENG DOUNA'A CHONSET

Lhagao Theng chu Pathen ahigoh hilouvin mihem jong ahin, chonset kibolkhum thei ahi. Hijehchun het hita hen hetlou hitajongle Lhagao douna chonset bolthei ahi jeh'in kichih thei angaije. Chonset khatloi hi tahsan ho jengin jong abolthei ahin, khatloi hi tahsan louhon abol jiu ahi. Ahin akihetna hi hilchet ahahsai.

Dr. Ironside thuhil dungjuijin tahsaho hihen tahsan louho hijongle Lhagao Theng douna chonset kiboldoh ji 7 ho veohite.

1. MIHEM TE LUNGTAH JEH'A LHAGAO THENG TAITAONA

Lhagao Theng taitom hi chonset lah'a asangpen, ngaidamna umlou chu ahi. Mtt. 12:31,32 na taitomna dang jouse chu ngaidam chanthei ahin, Lhagao Theng taitom chu ngaidam chang louhel ding ahi ati. Hiche hi Leiset chungga chonset lah'a alenpen chu ahitai. Mk. 3:22-30'a Jesun Lhagao Theng thahatna thilha/lhagaoboh anodoh chu danthu hilhon Satan vanga abol ahi atiuve. Hiche hi taitomna kitichu ahi. Hijeh chun Lhagao Theng taitom kitih Lhagao Theng natoh khat Satan bola hi ti'a lah chu ahi. Lhagao Theng natoh khat ija seilouva neocha gelhi chonset chungnung ahi, ama taitomna ahi. Mihem in Pathen natohkhat imalouva gah gelhin Lhagao Theng alungnat sahjin, Ps. 78:41 na'a kisei hobang hi adeh'a tahsan te ho chonsetna ahi.

2. MIHEMTE KILETSAH/KILOUPI SAH HIN LHAGAO THENG AJUMSO/ASUMOL PHOUVE

Lhagao Theng natoohi Pakai Jesu lhatdam na natoh mihemte henga het sah hi ahin, mihem khatnin hichu asan nom louteng Lhagao Theng chu kisumolphouva kisujum ahi (Heb. 10:29). Mihemin Lhagao Theng thusei ipai teng ajah'a "Jesu Christa lhatdamna natoh hi abona jou ngen ahin, huhhing leh Pathen hi thildang joh'a hilchenin, Christa thi hi midangho mohthi to kibang ahibouve" itinao ahin; hijeh chun Christa Pathen ahidan leh athisan manlutah long cheng Lhagao Theng in ahettah sah cheng chu ijaselou hin, Lhagao Theng inahsah louvu tina ahin, eiho'a kiletsah na aume tina ahi (cf. I Jn. 5:8).

3. MIHEM THUMAN LOUHIN LHAGAO THENG ASU LONGNOP MO'E (ANNOY/VEXED)

Isai. 63:9,10 in Israel chate chun Lhagao Theng chu asulung nomo (lung'himo sah'ui) ati. Pathen le anatoh hi a'itih'a kikhel lou ahin, Israel chaten athu anaman louvuva Lhagao Theng alung himo sah'u banga tulai Pathen thupeh juilou hin Lhagao Theng alung himosah'e. Hijeh chun lung'himo sahna hungkondoh na bulpi chu: Kiphin, phunsan leh complain hi ahi. Christa tibah khat hina'a tohding eikipe tonglouva phunsan jinghi Lhagao Theng lung'himo sahna ahin, gihna, vangbohna, phona le hetna neiya ahia chonset boltei tei hi Lhagao Theng lung himo sahna ahi.

4. MIHEM TE TAHSAN LOUNA HI LHAGAO THENG PAMPAINA/DOUDALNA AHI

Acts. 7:51 na'a Nanghon jong napu napate bolbangin Lhagao Theng nadou dalui, atin, Pathen thu tahsan lelu hin Lhagao Theng idoudal nao ahi. Lhagao chun isunguva selepha hetna chu mangchan thilpha boldingin eisei jingun, ahin hichu idoudal jinguva atemna le amipui na inahsah louvuhin itahsan lounao avetsah ahi.

5. MIHEM KITAHLOUNA HI LHAGAO THENG DOUNA LEH PATEPNA AHI

Solchah. 5:1-9 sunga Annanias le Sapphira thusima Peter'in anapho na'a "Iti danna Pakai Lhagao patep ding nakithukop lhon hitam? anatin, Annanias le Sapphira hin asopi hochu lheplah ding ago thon ahin, hinlah Lhagao Theng joh alhep lhona apatep lhon joh anahi. Mihem khatnin asopi mihem ho mitmu dinga phatah dana uma, ahia guhthima Pathen'a dinga chonset boljong aume. Mihem muding sanga Pathen mudinga kitah joh gotding, kitah johding ahijoi. Hijeh'a chu Ps. 51:10 nan "O Pakai, lungtheng neipenlang, kasunga lhagaothah, adih chu neikhum peh'in" ati bang taojoh ding, guhthima chonsetna nungsun ding, kiphatlhem sahlouding ahi. Ajehchu kiphat lhemsah hi kitah louna ahin, Lhagao Theng patepna ahi. 2 Kings. 5:25-27 na'a Gahajin Elizah alhep'a ajou aseijeh'in Naman phahna jouse ama achan lo'in ahi ti imu'uve. Jousei hi Lhagao douna ahi.

6. LHAGAO THENG NAHSAH LOUVA BOL LE ATHUMAN LOUHIN LHAGAO THENG ASUMIT JI'E

I Thess. 5:19-20 na'a Lhagao Theng chu sumit hih'un (cf. Mtt. 12:20; Eph. 6:16) ati. Isunga um Lhagao Theng chu suhmit, umthimsah, koidoh, thipsah louding ahi. Thu'a hihen, sele pha hetna'a hitajong le aseijouse chu nun ngai ahi. Mihem khatchu ahung penthah teng Lhagao Theng chun gingtah'in chonset ibolteng aseije'e. Ahin hiche awgin chu nahsah louva akikoileh anatoh chu alhasam deo deovin, akhon naleh athip jitai. Lhagao thusei kihetmosah'a umjinghin ilung atah sah'in, akhon nale Lhagao Theng isunga chengchu akisumit jin ahi.

7. LHAGAO THUSEI NAHSAHLOU/THUPI LOUVA GELHIN ALUNG PHATMOSAH JI'E

Eph. 4:30 na'a Lhagao Theng chu lungphat mosah hih'un ati. Nulepa ten achateu chu atahsan uva amonu ahin, ahia achaten thilkhat ahinguh ham asuhset tenguleh alungpha mo jiuve. Hibanga chu Lhagao Theng chun chonset doudinga eitah sanuva, Pathen thu mangdanga ei tahsanu ahin, ahia ilolhin jou louvu leh kislung phamo ahi. Hijeh'achu aban chang Eph. 4:31 na'a lungdam louna jouse, lunggan, lungsat, kinah, kitaitom, hichengse gitlou engsetna jouse nangho'a kon nin koimangun ati ahi.

BUNG – 6

LHAGAOVA DIM HINKHO

Mihem khatchun alung aheiteng chonphat chang ahi. Hichu kipehdohna hinkhon ajuijin, ithinkhou chu Pakaija ipedoh'un, alungdei boldingin amaicham phunga ikipedoh'un, eiho lungdei, lungngaichat jouse isunguva chonsetna le gitlouna jouse isutheng jiuvin ahi. Ahin mihem khatchu alungsunga imacha umlouva chenga hingthei ahipoi (Matt 12:43-45). Ithinkhou chu Lhagao Thenga dipma dim ngai ahi (cf. Eph. 5:18). Mihemkhat chun alunghei teng Christa'a ahitan, hinlah chamkim loulai ahi. Hinlah tahsan khatnin alung aheiteng Lhagao Theng chu asunga umtei ji ahi (Rom. 8:16).

1. LHAGAO THENG LE TAHSAN HO

Seijui ho chu Jerusalem'a akhongaijun, Lhagao Theng chu angah'ui (Lk. 24:49). Hichu Solchah 2:4 na'a Lhagao Theng ahunga asung uva chen chun aguilhung tai. Tahsan jouse sunga Lhagao Theng chengchek ahin, ahinla tahsan jouse chu Lhagao Thengin a control poi. Tahsan chate chun thu manlouna le lungtahna lungthim anei nahlai ahi. Ama chu tao maithei taolou maithei, apeh maithei apehlou maithei, alhangsap maithei lhangsap loumaithei, kipelut maithei kipelut loumaithei, athu jong amanthei amanlou maithei ahin; Lhagao Theng chu asuh lungphatmo sahthei ahi nalaije. Ahin tahsan chaten itahsan nao iphondoh nadiu pen chu Lhagao Theng khutna ikipeh lutnu hi ahi. Lhagao Theng khutna kipehlut hi sochatna ding maiseh hilouva Lhagaova dim nading ahi. Tahsan khat chun ahinkho chu Lhagao Theng thu thu ahi ti'a anoplah'a, ahinkho'a ijakai ja vaihom dinga akipeh dohteng amachu lhagaova dim ahi.

2. LHAGAOVA DIM DING HI THUPEH AHI

Stephen'in Lhagaova dim hinkho'a athilto chu tahsan chate jousen ineisoh keiju ngai ahi (Acts 6:5; 7:55). Eph. 5:18 hi ngehna hilouva thupeh hija ahi. Hiche hi khatveiseh dim ding goh hilouva aphahtseh'a dimjing ding aseina ahi. Solchah ho chu avel velin Lhagaova adimui akiti (Acts. 2:4; 4:8; 4:31). Hijeh'a chu niseh'a hi Lhagaova dim jing ngai ahi. Lhagaonei leh Lhagao va dim hi achom chom ahi. Nei maimai ding hilou, dimjing ngai ahi.

3. MIJOUSE LHAGAOVA DIM DING NGAI AHI

Mijouse hi lhagaova dim ngai ahi. Hiche hi solchah ho, thuseiho, minu, mipa, khangdong, chapang mijouse dinga ngai ahi. Christian dih tah khat hina dinga eimacheh'in eima phatna dinga neicheh ngai ahi. Hiche tilouhin koiman Pathen lungdei agel theipon, atong theipoi. Lhagaova dim hi changvala ahi. Mihem hi eima ding cheh'a kipengthah ahin, ichangval cheh'a lhagaova dimngai ahi. Lhagao Theng henga ipumpi'a ikipeh lut louleh lhagao chun isunguva na atongthei pon ahi.

4. HOUBUNG HIN A MEMBER JOUSE LHAGAOVA ADIM DING ANGAICHAH

Houbungin lhagaova dim member angaichan, lhagaova dim beina houbung chun kikhentelna, kilungto louna, kitomona, kiseisetna, kithangthip tona leh phatlouna jouse asodoh ji'e. Hijehchun Pastor, Deacon, Lalamkaiho, le Lamkai dang dang hoseh hilouvin Houbung kitupna ding le khantou machal nadingin mijouse lhagaova dim angaichai

5. LEISET HIN TAHSAN TE JOUSE LHAGAOVA DIM DINGIN EIDEIJUI

Christian hinkho hi mai (face) ni ahi. Khatna Pathen lam leh anina Mihem lam. Leiset mihemte hin Christiane hi achamkim dinga atahsanu ahi. Hijehchun mihon eikinep pi bang leh eitahsan banguva ihinthei nadiuvin Lhagao Thenga dim hinkho nei angaije. Lhagaova idimlou chun Pathen natong lolhing tah eiso loudiu ahin, tahsa chihna, hetna, thepna'a Pathen natoh hin eilunglah sah

bep diu, Lolhin lelna hiding ahi. Lhagaova dim, leiset to kisaija ahinkho apumpi Cross'a khenbeh jouchun Pakai na nasatah'a atoh jouding, chonse tehon lung akhel nadia lolhing tah'a Pathen'in amanchah ding ahi.

6. LHAGAO THENGA DIM NADINGA LAMPI

- a. Ngaidam chan angaije (Acts. 2:38; Ps. 66:18).
- b. Pathen cha hina chan angaije (Gal. 4:31).
- c. Ngaichat/chan nom ngai ahi (John. 7:37-39; cf. Isai. 44:3).
- d. Tahsan na neingai ahi (Jn. 7:39 cf. Gal. 3:13,14).
- e. Thuman ngai ahi (Acts. 5:32).
- f. Nga ngai ahi (Lk. 24:49).
- g. Tao ngai ahi (Lk. 11:13, cf. Acts. 4:31).
- h. Thum ngai ahi (Lk. 11:9,10, cf. Jn. 1:12).

Lhagao Thenga dimthei na dinga thuguh chu kipehdoh (surrender) hi ahi. Hichu ilunggel, tahsa, neilegou le ihinkho pumpi ama'a kipeh doh'a kon bou chanthei ahi.

7. LHAGAOVA DIM JEH'A APHA CHOM/RESULT

- a. Pathen thu hettohsah na'a thahat ahi (Acts. 1:8).
- b. Christian hinkho galjou tah'a hinthei na ahi (Acts. 20:22-24).
- c. Pakai Pathen chu Loupina achange (John. 16:14).

BUNG – 7 LHAGAO GA

Lhagao Theng natoh leh aga hi achom chom ahi. Lhagao Theng natoh hi Lhagao natoh'a kon hung kilangdoh ahin, Lhagao ga vang hi isunga achen jal, eiho ama'a ikipeh doh jeh'uva kon ahi. Gal. 5:17-23 na'a Lhagao ga leh tahsa natoh kichen tah'in achom chom ahidan aseije. Tahsa natoh 17 kiseiho khu Adam chonsetna ineijeh uva hungkilang dohho chu ahin, Lhagao Ga 9 ho khu atumchek/khatchek (Singular) in akiseijin, hichu midang khatna kon khat hung ga ding, achomma kon achomkhat hung ga ding hilouvin; Christian jouse, Lhagao Thenga dim jouse chungga abona khu hung ga doh ding ahi. Hiche khun pumkhat ahidan avetsahe. Hijehchun aboncha 9 akhu iga tokah'a Christian khat chu chamkim lou ahi.

1. LHAGAO GA HO: Gal. 5:22-23 sunga ga 9 jen pumkhat le gakhath danna kisei ho chu:

I. **Ngailut** (Love): Pathen ngailut (divine love). Ngailut hi isunguva cheng Pathen ahina khat (attributes of indwelling God) ahi (1 Jn. 4:16; 1 Cor. 13). Pathen chu ngailut ahi'a isunguva achen jalla ngailutna chu eiho'a kon gadoh tei ding ahi.

II. **Kipa** (joy): Leiset kipana ho hilou, giltah leh thuhtah'a sung lama kipana, gentheina jenga jong kinepna neipuma kipana (Phi.4:4).

III. **Cham lungmon** (Peace): Pathen'a kon lungmona, eima lhagao apumpi'a lungkim sah (Col.3:15).

IV. **Thohhat** (Longsuffering): Alangkhatna le dingin hiche hin 'sottah genthei jou' tina ahi. Mihem chu tohhatlou leh lungneng joulou ahin, Lhagaomi vang chu gentheina'a jong lunglha louvin sottah apang jouve.

V. **Mihepi/mikhoto** (Gentleness): Jesu chu amikhoto, amihepi nan akihen, hibang chun lhagaomi chum mihepi, khoto na aneiijin miding lung agele.

VI. **Phat/thilphabol** (goodness): Hiche hin thilpha bol, napha toh atina ahi.

VII. **Tahsan umtah** (faith): mi kinep nathei, mi tahsan thei, lungmona thei.

VIII. **Lungneng** (Meekness): lunghang vahlou, mikineosah, thutanlhah na semloilou (2Tim. 2:25).

IX. **Amachang kitim** (Temperance): Nehle don, umchan khanchan, sile chen le adang danga kitim them.

2. GA HI THI PHOTCHETNA AHI

John 12:24 nan Muchi chu athi louleh aga theipoi. Hibang chun ithi louleh tahsalam natoh bouchu eiho'a kon pengdoh ding ahin, Lhagao ga vanghi Christa to Cross'a ikikhetbeh uva athina'a thitah'a kon hung gadoh ding ahi. Mi tampi agaji lounao hi thilouva ahinjing nahlai jeh'u ahin, Christa toh kikhetbeh tha louvu, athina'a thi tha louvu ahi. Hinkhothah tichu thi'a hinkit pa bouhin Pathen loupina Lhagao ga asepdoh thei ahi.

3. GA HI THUPI/POIMOTAH AHI

John 15:2 nan "abah keija uma galou jouse chu aman alamangin/asatlha jitai" ati. Lk. 13:9 na'a "aga leh apha ahin, chuleh aga louleh satlha'in lang paimang tan" ati. Hiche'in eivetsah' uchu lunghei jouva leiset chungga ihin teiteiju hin ga isepdoh nadiu ahi ti akilange. Ga neilou hohi ga neiho chan vangphatn ho achang jou pouvin, Pathen to jong ahingkhom thei pouve. Hijeh'a chu satlhah leh paimang hiji ahitai. Lk. 13:7 na'a lengpi lei lhoupa hi Pathen vetsah na ahin, aman aphotseh'in kumthum sungin aga ahunghol ji'e (cf. Jacob. 5:7). Pakai Jesu Christan ihin khouva kon aga angah jingin ahi (Gal. 5:22,23).

4. GA HI IHINAO VETSAHNA AHI

Matthew 12:33 nan "Thingphung chu agan akihei" ati. Num. 13:26 na'a "Canaan gama kon hungkipolut theiho chun agam phatdan avetsah'e" ati. NT'a mitheng ho chun ga hoitah aneijuva konchun pengthah ahivu ti apho chenuvin ahi. Polama mutheija ihinkho leh inatoh chu apha ahinai. Ahin aga chun ipi thei ihu (tekahnan haithei, komla, chompra, theikha, theilhum...) ihu aphotchet ding banga igaova kona chu mitheng dihtah ihuham, bolthu ihu ham kilang ding ahi. Mtt. 7:16-22 nan "lengpi phunga theichang aga thei ngaipei" atin, mitheng ho chun tahsa natoh aga dohlou ding vetsah na ahi (cf. Gal.5:17-21).

5. GA LONA JEH/IPI DINGA GA NGAIHAM

Matthew 21:34, “aman asohho asolin... aga loudingin asole”. Ga hi thingphung dinga bou ahipoi. Eiho jong igau hi min amu’a Pathen loupina amudoh jiu ahi. Eiho’a dinga bou phachom dinga ga isep uleh hichu Pathen dinga thet umtah ahi. Theiga chu ama ding mama’a phachom ahipon, midang dinga phachom ahibanga eiho jong midang dinga phachom ihidiu ahi.

6. GA HUNGKON DOHNA

Hoshea 14:8, “Keija konna naga chu kimudoh ahi”. Hijehchun ga hi Pathen’a kon ahi. Jn. 15:4 nan abah keija umlou chu aga theipoi ati. Hijeh chun ga nadinga chu Pathen’a um ngai ahi.

7. GA HI CHI KHAINA/APUNA DING AHI

Gen. 1:11 nan “leiset hin theiphung ama tobang bang hinsep dohding leh hinsodoh hen” ati. Amu chu aga’a chu um ahi. Aga aumlouleh aphung dang ake son nadinga amu umlou ding ahi. Hibang chun lhagao ga aumlouleh eihon jong midang ipunsah theilou dingu ahi. Col.1:10 nan natoh phatah ho jouse’a gadoh dinghi khantouna ahi ati.

Bung – 8 LHAGAO THILPEH

1. **Lhagao thilpeh ho:** I Cor. 12:8-10 – chihna, hetna, tahsan, midamsah, thilkidangbol, gaouthusei, hetkhen theina, paochom thotheina, pao letheina. I Cor. 12:28 – Solchah, themgao, thuhil/mihil, midamsah, mikithopi, vaihom. Eph. 4:11-16 – Evangelist, Pastor leh natoh/ministry. Rom. 12:6-8 – Mitilkhouna, thilpeh, vaihom, mikhoto: kitiho hi ahi.

2. **Lhagao thilpeh Pathen’in achamtah’a eipeh’u ahi.** I Cor. 12:11 ‘ hiche ho jouse hi Lhagao khatna kon natongkhom dinga kipe ahi ti akimui. Lhagoa Theng chun ahung pengthah hochu Christa tibah’a ahinkoi lutna, tibah lah’a chu amun kilompeh dingleh phapen ding muna chu akoija, thilpeh chu apeh ji ahi (Eph. 2:21,22). Hijeh’a chu lhagao thilpeh hi Pathen’in achamtah’a apeh ahin, aman pha asah sah chu mipengthah khat chu apeh’a, Christa tibah lah’a pha asah namun laitah’a chu akoi ahi.

3. **Lhagao thilpeh hi aphachom dinga kipe ahi.** I Cor. 12:7. Lhagao thilpeh hi tibah phatchomna dingleh bukim nadinga kipe ahi. Mihemkhat chu houbung tibah ahung hi’a lhagao thilpeh khat chu ahung kipehbe teng houbung pumpin aphatchom pi ahi. Mihem tibah hin panna bei aneilou banga Christa tibah houbung jonghin panna bei member aneilou ding ahi. Mihem khatchu apenthah teng damun chu apel doh maimai hilouva tahsa/tibah dinga chu phachom ding jong ahi.

4. **Lhagao thilpeh hi ngaichat ding ahi.** I Cor. 12:31. Lhagaothilpeh khat leh ni seh’a lungkim jeng ding ahipoi. Tibah sunga chu mundanga jong panmun nanei theina dinga adang jong nathum ngai ahi. Paul’in gaouthu seihi adangho sanga dei’um penin anaseije (I Cor. 14:1,39). Mtt. 25:14-30 na’a Jesun talent (thilpeh) thulem aseina’a chun khat, ni, nga tin ajat kibanglou vin anapei. Ipenhah tilleh thilpeh hi khat/ni bou ineimai thei diu ahin, ahin ihung khantou tou tolhonna adangjong Pathen loupina nadinga holbe ngai ahi.

5. **Eija dinga kilom leh aphapen Lhagaothilpeh kichanga ahi** (I Cor. 7:7). Jesu’a um tahsan chate jouse Lhagao thilpeh changlou aumpoi. Christa tibah sunga chu eitoh kilom pen pen muna umna dinga Lhagao thilpeh eikipe ahi.

6. **Thilpeh hi manchah ding ahi** (I Tim. 4:14). Lhagao thilpeh peh hi manchah louva selmang ding ahipoi. Imanchah louteng ap theija eikile lahpeh thei ahi (Mtt. 25:28).

7. **Lhagaothilpeh hi khantousah ngai ahi** (2 Tim. 1:6). Ichanu thilpeh hi Pathen lenggam khantouna dinga manchah'a khantousah ding ahi (Col. 1:29).

BUNG – 9

LHAGAO THENG MELCHIHNA (emblem) HO

1. **Twì** (Jn. 3:5; Jn. 7:38,39). Twija kon hin Lhagao Theng chungchang 5 akimutheije.
 - a. Twihin achap nouvin akhanlet sah'e. Twijin thingphung, hampa louhing akhanlet sah bangin, (Ps. 1:3) Twi hin mi asuhal/refreshes in ahi (Jn. 4:14; Ps. 46:4; Isai. 41:17,18)
 - b. Twihi manbeija eikipe ahi (Isai. 55:1; Jn. 4:14; Isai. 41:17,18).
 - c. Twihin asop ngimmin ahi – Eph. 5:26
 - d. Twi hi atame (Jn.7:37,38).
2. **Mei** (Mtt.3:11.)
 - a. Mei hin avahsah (illuminates) ji'e (Jn.5:35)
 - b. Meijin akavam ji'e (Jn. 5:35).
 - c. Meihin asutheng ji'e (Mal. 3:2,3.).
 - d. Mei hin ahol (searches) ji'e (Icor.2:10).
3. **Hui** (wind) – Jn. 3:8
 - a. Huihi thanei tah ahi (I Kings 19:11; Acts.2:2).
 - b. Houhi misuhal ahi (Ezk. 37:9,10,14).
 - c. Hui hi chamhlat (independent) ahi (Jn. 3:8; I Cor. 12:11).
 - d. Hui hi muthei lou ahi'a thaneitah ahi (Jn. 3:8).
4. **Thao** (Ps. 45:7)
 - a. Thao hi suhthengna ahi (Ex. 29:7 cf. 4:18).
 - b. Thaohin lhamonsah na ahi (Isai. 61:3).
 - c. Thao hi meivah'a pang ahi (Mtt. 25).
 - d. Thao hin mi asudamme (Lk. 10:34).
5. **Go le daitwi** (Ps. 72:6)
 - a. Go hin mi asuhalle (Ps. 68:9; Is.18:4).
 - b. Gotwi hi atame (abundant) – Ps. 133:3
 - c. Go hin akhansah'in ahi (Ezk. 26,27).

6. **Vakhu** (Mt. 3:16; Mtt. 10:16; Gal. 5:22)
7. **Aw / Voice** (Isai.6:8)
 - a. Aw hin lam ahile (Isai. 30:21; Jn. 16:13).
 - b. Aw hin thu aseije (Mtt. 10:20).
 - c. Aw hin mi agih'e (Heb. 3:7-11; Jn. 16:7-11).
8. **Mahor/seal** (Rev. 7:2; Eph. 4:30)
 - a. Mahor kinam hi atahbeh ahi photchetna ahi (Jn. 6:27; 2 Cor. 1:22).
 - b. Mahor kinam hi abitna ding (secure) ahi (Eph. 1:14,14).

BUNG – 10

CHRISTIAN HINKHO HI LHAGAOVA HIN NGAI AHI

1. Pathen hi Lhagaova houding ahi (Jn. 4:24; Phil. 3:3).
2. Lhagao vanga thil ihetnu ahi (Rev. 4:1,2).
3. Paul chu lhagaova kihen ahi (Acts. 20:22-24).
4. Lhagaova umhi Lhagao isunga achange ti photchetna ahi (Rom. 8:9).
5. Christiante chu Lhagaova hing ahi (Gal. 5:25).
6. Christiante chun Lhagaova lam ajotnu ahi (Gal. 5:25).
7. Christiante natoh hi Lhagao natoh ahi akiti (Acts. 6:3; I Cor. 2:4).
8. Lhagaova itao jiu ahi (Eph. 6:18).

BUNG – 11

LHAGAO THENG THANEINA

1. Lhagao Theng thaneina hi ngaichat ahi (Luke. 24:49).
2. Lhagao Theng thaneina hi eikitepnao (promise) ahi (Acts. 1:8).
3. Lhagao Theng thaneina hi hinna pea hi (2 Cor. 3:6).
4. Lhagao Theng thaneina hi bulhingset ahi (I Cor. 2:3,4).
5. Lhagao Theng thaneina hi chohthei ahipoi (Acts. 8:18).
6. Lhagao Theng thaneina hi bolthu thei ahipoi
7. Lhagao Theng thaneina hi mansah thei ahipoi (Judg. 16:20.).